

不見秀賴。君獨不然。諸侯皆剃鬚髯。而君獨不然。諸侯皆減鬚從。而君獨不然。恐非所宜。清正曰。吾若背舊恩而忘大坂。何以為丈夫。且吾國甚遠。一旦緩急。兵不可得。而徵故騎。從依舊往時。臨陣著鐵面。鬚亦不為無助。故留而不剃耳。駿河土產十六年。秀賴見東照公於二條。清正及淺野幸長從焉。公賜清正以刀。清正拜謝。公見之。以為眼光所注。在愛宕山。此必有所禱。使人密問之。清正曰。然。吾禱神七日。欲使主公無不虞之患也。武家閑談翁物語及歸。取短刀於懷。流涕曰。可以報太閤矣。藩翰譜於是清正就國。途而得病。

以六月卒。年五十。清正以勇猛聞天下。而馭下寬裕。

為時所稱。清正記朝鮮之役。諸將多有戰功。而清正最

著。藩翰譜朝鮮呼曰鬼將軍。兒啼輒怖之。曰。鬼將軍來

常山紀談又為蕩人象。清正射之。雖善射者不能中。

其見懾憚如此。藩翰譜晚年好學。一日謂人曰。太閤既

薨。前田利家招我。及淺野幸長等。從容語曰。臨大節

而不可奪也。君子人與。君子人也。當時吾未嘗學問。

不詳為何語。近反覆論語。始曉其旨。方今之時。不事

斯語。幾何其不陷不義也。關原大全子忠廣任肥後守。寬

永九年。坐事國除。安置出羽莊內。忠廣賦詩云。三十

一年如一夢。醒來莊內破簾中。聞者憫之。藩翰初清

正多養驍雄。而莊林隼人飯田角兵衛森本儀大夫

三宅角右衛門最著。號曰天王。深祕筐底錄飯田三宅善

築城。時人呼曰兩角森本每戰。聯騎擣陣。衆槍繼進。

所向輒克。錄鈴朝鮮之役。一日交戰至暮。清正呼莊林

曰。汝往歛兵。森本怒曰。奈何不命臣而命莊林。清正

笑曰。人各有能。有不能。摧堅挫銳。莊林不如汝。收衆

全軍。汝不如莊林。森本乃服。碎玉話飯田為部將。食二

千石。後坐事奪祿。匿於伏見。福嶋正則以四千石招

之。飯田辭曰。臣不能忘舊主。正則嘆異。無幾清正復

祿之。續明良清正既卒。忠廣一日謂左右曰。吾欲多

力。若能被兩鎧。何畏矢石。飯田進曰。先君身經百戰。

不被一創。外國震懾。比之鬼神。何嘗被兩鎧。夫人君

苟能撫循將士。人人樂死。是標精甲千百也。兩鎧何

為。退而號哭曰。吾國危矣。後果如其言。常山紀談國人慕

清正忠勇。為立祠祀之。遠近崇奉。極有靈驗。

野史氏曰。肥州欲得良士。學相人之法。然竟不得其

要。嘗曰。惟質直之士。可共患難耳。此言也可以觀肥

州之為人矣。蓋肥州質直。故三成之徒。惡而羅織之。

而肥州之所以免禍者。以質直也。肥州百戰播威名。

於外國雖百三成有所不能而欲以詭譎斃之。是自破其干城也。讒人真可畏哉。

加藤左馬助傳

加藤嘉明稱孫六。參河人家。世事德川氏。父曰廣明。

廣明據諸家深祕錄

淨土真宗之亂。廣明黨賊。遂去赴尾張事

秀吉。

藩翰譜

嘉明亦事秀吉。食五百石。

清正記

柳瀨之戰。

與加藤清正等奮戰有功。所謂七槍之一也。秀吉授

三千石。

三千石據清正記

及秀吉為關白。任左馬助。叙從五位下。其年賜伊豫正木城。食六萬二千石。明年與長

曾我部元親等將兵赴豐後。助大友義統擊嶋津義

久。義統軍敗。嘉明與嶋津家久相持。明年秀吉伐義

久。嘉明與脇坂安治等航海赴薩摩。

藩翰譜

攻桂忠明

於平佐城降之。

鍋島家譜

時千代川暴漲。嘉明等造舟梁

以濟秀吉軍。

參取鍋島家譜藩翰譜

秀吉譜及秀吉伐小田原。嘉明

從之有功。

藩翰譜

朝鮮之役。與藤堂高虎、脇坂安治俱

將水軍軍至釜山浦。朝鮮戰艦要之海上。高虎夜赴

唐嶋。多奪敵船。諸將會議。將報之。秀吉。嘉明在座。竊

出召其臣曰。速具舟衆。乃進船。監軍遣使讓曰。子孤

軍先進。是負約也。何不來議。嘉明曰。此少年輩所為。

僕實不知也。僕若不往。彼安敢止。乃乘船直進。諸將

不得已而發。嘉明先衆苦戰，跳登敵船，衆益奮，遂奪
 十餘艘。既而諸將議曰：高虎固有功，然敵甚寡，未為
 甚難。豈若嘉明白晝衝突群艦，以奪之乎？乃作書報
 之。秀吉、秀吉賜嘉明書褒賞。朝鮮征伐記嘉明至熊川，聞
 安治兵與李舜臣戰不利，乃進助之。與元均、舜臣相
 持。明年二月，戰破之，奪敵船藩翰譜及和成。與諸將航
 海而還。和議敗，復與高虎等濟海。秀吉譜時朝鮮聚
 戰艦數百艘於唐嶋。高虎等遣人謂嘉明曰：請共擊
 唐嶋。嘉明未進。高虎等進戰。嘉明怒而急進。遇一巨
 艦直騰身而登，手斬數人，從兵繼登，遂奪其船，益進。

搏鬪，誤墜水中，乃攀舳躍上，箭中其股，流血淋漓，神
 氣彌厲。秀吉譜遂深入敵船間，跳騰往返，駛疾如神。
 復奪數艘，觀者駭歎。鍋嶋勝茂語人曰：吾嘗從太閤
 觀花吉野，光景鮮媚，天下壯觀。然未若嘉明唐嶋之
 戰。編島家譜及諸將攻南原，與嶋津義弘屯全州，絕南原
 後援。陳愚衷懼不能救。秀吉譜征伐記南原陷，嘉明逐
 北，斬獲頗多。明年春，與諸將救清正於蔚山，斬首一
 千五百餘級。藩翰譜諸將聞明兵大舉而來，議曰：順天
 蔚山、梁山三城，地勢險峻，進退不便。漕運亦艱，且去
 之而固守釜山，而生。嘉明進曰：敵未至而棄城，武夫

所耻且我將士摧大衆揚威武者。繇蔚山之險。諸君各任其意。僕獨以死守之。及白之秀吉。遂不署名書。達大坂。秀吉大怒。獨賞嘉明之勇。賜書褒美。增食邑。參取秀吉譜征韓錄藩翰譜因召還嘉明等。嘉明與豐臣秀秋等航海而還。秀吉譜征韓錄秀吉既薨。三成等圖東照公。伏見大坂騷擾。嘉明以公累世之主。深歸心焉。往白公曰。事不足慮。僕從騎士五十。今日還二十人於國。公若有所命。請以餘共從事。既而騷擾自止。藩翰譜及公伐上杉景勝。嘉明從軍。會大坂兵起。公回軍。嘉明與諸將先進。至尾張清洲。待公軍久之。公不

發。諸將遣使促之。公遣村越吉直諭之曰。卿等暴師甚勞。然未嘗一戰。何以輸誠。諸將驚怪。嘉明曰。我輩迂甚。今敵在前而不戰。公安得不疑。請速攻。岐阜以促公軍。諸將然之。乃攻岐阜。拔之。藩翰譜公軍未至岡山。嘉明兵夜獲敵諜者。欲殺之。嘉明曰。彼為其主。何必殺之。我但嚴警備可也。釋而遣之。常山紀談已而擊三成軍破之。關原合戰誌嘉明臨軍。戎具華麗。將戰。探它甲極粗朴。關原大全嘉明嘗畫天女於鎧腹。人呼曰天人鎧。武家閑談其冬。增封松山。并前食二十萬石。關原合戰誌台德公臨其第。及大坂兵起。嘉明留江戸。子

明成從軍斬級九百。是歲嘉明叙從四位下。大猷

公始擢甲。命嘉明佐其儀。嘉明固辭不許。人以為榮。

藩翰福嶋正則坐橫暴。國除。命嘉明及毛利秀元備

變。毛利家譜寬永三年任侍從。從封會津若江。食四十萬

石。又賜其次子明利以二本松城。食三萬石。賜女婿

松下長綱以三春城。食五萬石。竝屬嘉明。八年卒。年

六十九。子明成嗣。藩翰嘉明軀幹短小。膽決過人。與

加藤清正俱以勇將聞。碎玉嘗曰。勇銳之士固能有

功。然孤城無援。勢方危蹙。而能誓死報君者。惟謹慤

之士能之。近世唯勇武是求。不問誠偽。非良將所為。

也。碎玉話生。生平好蓄磁器。一日會客。近臣誤壞其寶

器一枚。懼而請罪。嘉明曰。此失誤耳。何罪之有。命取

其餘悉碎之。謂左右曰。他日每見此器。必謂某壞其

一。此以器辱人也。自是不復蓄。近臣嘗燒火。箸植之

爐。欲以試人。嘉明適出。執之。徐搯灰作字。指盡爛。竟

無所問。其性度如此。明良洪範

野史氏曰。東照公臨終。謂台德公曰。嘉明參河

之產。自太閤時。輸款於我。其人亦慤實。宜善遇之。但

性頗褊狹。動輒觖望。以此為意。台德公曰。彼本小

器。必無異圖。東照公曰。不然。善謳者使人躍然起

舞名將為衆所服。縱無異圖。衆且推戴之。勿以小器侮之。嗚呼。東照公知人之明。有不易測者。而嘉明人品亦於是乎定矣。固無待後人之嗷嗷也。

男 延年校

佩弦齋外集卷之一終

281